

ini menyaksikan Pahang pula, menjadi negeri terburuk dinaiki air setakat ini.

Tambah memburukkan keadaan, negeri ini diramal pula akan mengalami gelombang kedua banjir yang lebih besar ekoran air pasang besar yang berlaku serentak dengan hujan lebat dan berterusan.

Perubahan mendadak kesan yang dibawa oleh angin monsun timur laut ini diperhati penuh mendalam oleh pakar-pakar alam sekitar dan meteorologi tempatan yang perlu memahami kecelaruan musim ini sebagai langkah berjaga-jaga pada masa depan.

Selain pemanasan global ekoran pembebasan gas karbon dioksida secara melampau yang dilihat sebagai faktor utama, beberapa perkara lain yang lebih bersifat tempatan juga disimpulkan menjadi punca.

Bagi pakar alam sekitar, Datuk Dr. James Dawos Mamit, perubahan iklim yang melanda dunia ketika ini adalah sesuatu yang tidak dapat dielakkan dan bukanlah kuasa manusia untuk menolak pergerakan awan yang sarat dengan kandungan air menentang tiupan angin monsun timur laut itu.

Justeru ujar Penasihat Alam Sekitar kepada kerajaan negeri Sarawak ini, sama ada sanggup atau sebaliknya, kedatangan hujan lebat dan berterusan itu perlu disambut dengan rela dan harus disertai dengan siap siaga dan penuh bersedia.



MANGSA yang terlibat banjir di Rantau Panjang, Kelantan dipindahkan ke pusat pemindahan baru-baru ini.